

Mayornan/persona responsabel
pa alumnonan di skolnan di RKCS.

Kórsou, 16 di mart 2020

Ref.: UMBLL2020031671269
Tópiko: **Seramentu di skolnan**

Apresiabel mayor/persona responsabel,

Awe mainta minister president sr. Rhuggenaath, riba petishon di direktivanan di skol, a tuma e desishon pa duna skolnan tempu pa hasi preparashon konsiderando e situashon rondó di e corona virus. Entrante djamars 17 di mart 2020 te ku djabièrne 20 di mart mayoria alumno por keda kas. Asina ta krea espacio pa e personal di skol por inventarisá kua fasilidat o material mester adishonalmente pa por kontinuá e proseso di siñamentu responsabel den e situashon aki di corona virus.

E siguiente alumnonan **SI** lo sigui haña lès:

- E alumnonan di grupo 8. Nan ta sigui bin skol pa prepará pa EFO. Probablemente lo traha un programa o roster adaptá pa nan.
- Tur alumno ku ta den klas di eksamen na VSBO, Havo i VWO. Tur “praktijkexamen” i “schoolexamen” lo sigui normalmente. Probablemente lo traha un roster adaptá pa e gruponan aki.

Pa tur otro alumno lo **NO** tin lès for di **djamars 17 di mart te ku djabierne 20 di mart 2020**. Skol lo duna e alumnonan aki “huiswerk” pa e 4 dlanan aki. Tambe lo hasi palabrashon ku nan kon ta sigui tene kontakto ku nan pa tur loke ta relashoná ku skol. Lo por hasi uso di app, Profectus, Magister of otro medianan digital pa komuniká.

Tur “opvang” merdia tambe lo keda kanselá for di djamars awor.

Djaweps dia 19 di mart lo evaluá huntu ku e tim di krisis, e informashon optené di skolnan pa asina disidí kon ta kontinuá e proseso di siñamentu. Nos lo prepará pa tur siguridat riba un posibel alargamentu di e seramentu di skol i tambe riba habrimentu di skol bèk ku e kondishonnan higiéniko nesesario.

Nos lo hasi nos esfuerso pa den e situashon difisil aki, sigui aportá na solushon i continuidad. Nos ta konta riba boso komprehon i koperashon pa huntu nos traha na bienestar di boso yu.

Ku kordial saludos.

Direktiva di Skolnan Katóliko

L. van Lamoen-Garmers
direktor

